

UCAPAN
YBHG. PUAN NOR AZIAH JAAFAR
PENGARAH JAS WPKL
MAJLIS APRESIASI SLAAS & ESTECC
18 NOVEMBER 2019
SK ST MARY, KUALA LUMPUR

Bismillahirrahmanirrahim,

Assalamualaikum warah matullah hi wabarakatuh.

Terima kasih Tuan Pengerusi Majlis

Yang Berbahagia Tuan Haji Mohd. Bahaudin Bokhari Bin Manaf
Wakil Pengarah Jabatan Pendidikan Wilayah Persekutuan Kuala
Lumpur

Yang Dihormati Cik Ngan Wai Fun
Guru Besar Sekolah St. Mary,

Guru – guru dan semua hadiri dan hadirat sekalian.

Assalamualaikum dan Salam Sejahtera

1. Terlebih dahulu, saya ingin memanjatkan rasa syukur kepada Allah Subhanahu Wa Taala kerana dengan izin dan limpah kurniaNya

dapat kita pada pagi ini hadir bersama di Majlis Apresiasi kepada sekolah-sekolah yang telah menjayakan beberapa aktiviti anjuran Jabatan Alam Sekitar khususnya dan Kementerian Tenaga, Sains, Teknologi Alam Sekitar dan Perubahan Iklim (MESTECC) amnya. Saya juga ingin merakamkan jutaan terima kasih kepada Guru Besar SK St. Mary kerana kesudian beliau untuk menjadi tuan rumah bagi menjayakan majlis ini.

2. Ucapan penghargaan dan terima kasih juga saya tujukan kepada semua guru – guru sekolah yang sudi melapangkan masa untuk hadir ke majlis ini demi menunjukkan komitmen mereka ke arah usaha pemuliharaan alam sekitar.

3. Majlis Apresiasi ini merupakan majlis yang julung kalinya di adakan di Wilayah Persekutuan Kuala Lumpur yang mana menggabungkan semua sekolah-sekolah yang terlibat program kesedaran alam sekitar anjuran Jabatan Alam Sekitar Kuala Lumpur. Program kesedaran yang dilaksanakan di sekolah-sekolah adalah Program Anugerah Sekolah Lestari-Anugerah Alam Sekitar (SLAAS) dan juga Program Pendidikan ESTECC di sekolah.

Tuan-tuan, Puan-puan dan Guru-guru sekalian,

4. Untuk makluman semua, Program Sekolah Lestari-Anugerah Alam Sekitar (SLAAS) telah dilancarkan pada 27 Januari 2005. Ini sejajar dengan Dasar Alam Sekitar Negara yang bertujuan meneruskan kemajuan ekonomi, sosial dan budaya serta peningkatan kualiti hidup rakyat Malaysia menerusi kesejahteraan alam sekitar dan pembangunan lestari (Dasar Alam Sekitar Negara, 2002).

5. Untuk makluman semua, Program Sekolah Lestari-Anugerah Alam Sekitar (SLAAS) telah dilancarkan pada 27 Januari 2005. Ini

sejajar dengan Dasar Alam Sekitar Negara yang bertujuan meneruskan kemajuan ekonomi, sosial dan budaya serta peningkatan kualiti hidup rakyat Malaysia menerusi kesejahteraan alam sekitar dan pembangunan lestari (Dasar Alam Sekitar Negara, 2002).

6. Program yang diadakan secara dwi tahunan ini, adalah anjuran Jabatan Alam Sekitar (JAS) dengan kerjasama Kementerian Pelajaran Malaysia (KPM) serta mendapat sokongan teknikal daripada Institut Alam Sekitar & Pembangunan (LESTARI), Universiti Kebangsaan Malaysia.

7. Sekolah Lestari – Anugerah Alam Sekitar adalah satu program yang membudayakan pendidikan alam sekitar dengan menerapkan nilai murni alam sekitar secara menyeluruh sehingga dapat membentuk budaya (*culture*) mencintai dan menghargai alam sekitar di semua peringkat bermula daripada sekolah.

8. Semenjak bermula tahun 2006 sehingga kini sebanyak 44 buah sekolah Wilayah Persekutuan telah telah berjaya menyertai program SLAAS dan bilangan ini adalah kecil berbanding dengan negeri lain seperti Sarawak (159), Johor (140), Sabah (131), dan selainnya.

9. Bagi Anugerah SLAAS sesi 2018/2019, sebanyak 107 buah sekolah telah mengambil bahagian, sebanyak 10 buah sekolah rendah dan 10 buah sekolah menengah telah dipilih untuk menyertai peringkat kebangsaan. Bagi Wilayah Persekutuan, bilangan sekolah yang menyertai adalah berkurangan dari tahun-tahun sebelumnya. Sebanyak 2 buah sekolah rendah dan sebuah sekolah menengah telah menyertai. Sekolah – sekolah tersebut adalah SK Bukit Damansara KL, SK Taman Maluri KL dan SM (P) Air Panas KL. SK Bukit Damansara Kuala Lumpur telah melayakkan diri ke peringkat kebangsaan dan telah berjaya merangkul Anugerah Khas (Pengurusan) dan berjaya membawa pulang hadiah bernilai RM 1250/- (Ringgit Malaysia: Seribu Dua Ratus

Lima Puluh), plak dan sijil. Saya mengucapkan syabas kepada sekolah yang berjaya dan bagi yang tidak berjaya jangan putus asa, teruskan perjuangan, in sha allah anda juga akan berjaya.

10. Untuk makluman semua, bagi anugerah berprestasi Anugerah Sekolah Lestari- Anugerah Alam Sekitar jumlah wang tunai yang ditawarkan adalah RM 10,000.00 (Ringgit Malaysia: Sepuluh Ribu Sahaja) bagi setiap kategori beserta plak dan Sijil Anugerah. Bukanlah wang ringgit yang jadi rebutan tetapi status Sekolah Lestari tersebutlah yang diidamkan. Sekolah yang berjaya ini akan dicalonkan ke Peringkat ASEAN dibawah ASEAN Working Group On Environmental Education untuk anugerah ASEAN Eco School Award. Diharap dengan adanya pertandingan seumpama ini akan menggalakan lagi penyertaan semua sekolah terutamanya di Wilayah persekutuan ini.

Tuan-tuan, Puan-puan dan Guru – guru

11. Satu lagi program yang diperkenalkan pada tahun ini adalah Program Pendidikan ESTECC di sekolah. Program ini di bawah Kementerian Tenaga, Sains, Teknologi, Alam Sekitar, dan Perubahan Iklim (MESTECC) Program ini bertujuan untuk menarik minat pelajar terhadap STEM (Science, Technology, Engineering and Mathematic) Walaupun program ini telah lama diadakan, namun ianya merupakan yang pertama melibatkan jabatan alam sekitar. Setakat ini sebanyak 13 buah sekolah telah menyertainya program ini dibawah pengendalian Jabatan Alam Sekitar. Pendedahan pelajar tentang aspek kepentingan menjaga alam sekitar serta pengukuran tahap kualiti udara dan air akan diterangkan semasa sesi taklimat dan pameran yang dijalankan.

12. Sesungguhnya Jabatan Alam Sekitar amat berbesar hati serta mengharapkan penyertaan semua sekolah di Wilayah Persekutuan

Kuala Lumpur dan Putrajaya di dalam program SLAAS dan ESTECC untuk masa-masa akan datang. JAS juga bersedia untuk sama-sama turun padang bagi menyertai apa-apa aktiviti yang sekolah anjurkan agar mesej kelestarian alam sekitar ini dapat sampai kepada generasi muda yang akan menjadi pemimpin dan pewaris negara di masa akan datang.

Dengan lafaz yang mulia, Bismillah hirroma nirrohim, saya dengan ini merasmikan **PROGRAM APRESIASI SLAAS DAN PENDIDIKAN ESTECC 2019.**

Sekian, terimakasih.

WabbillahitaufikWassalamualaikumWarahmatullahiWabarakatuh.